

摛藻堂四庫全書薈要

集部

欽定四庫全書叢要卷一萬七千七百九十二

御定全唐詩卷三百八十七

盧全

盧仝范陽人隱少室山自號玉川子徵諫議不起韓愈為河南令愛其詩厚禮之後因宿王涯第懼甘露之禍

詩三卷

月蝕詩

新天子即位五年歲次庚寅斗柄插于律調黃鍾森森

萬木夜殞立寒氣覲屬頑無風爛銀盤從海底出出來  
照我草屋東天色紺滑凝不流冰光交貫寒瞳朧初疑  
白蓮花浮出龍王宮八月十五夜比並不可雙此時怪  
事發有物吞食來輪如壯士斧斫壞桂似雪山風拉摧  
百鍊鏡照見膽平地埋寒灰火龍珠飛出腦却入蚌蛤  
胎摧環破璧眼看盡當天一搭如煤冶磨蹤滅跡湏臾  
間便似萬古不可開不料至神物有此大狼狽星如撒  
沙出爭頭事光大奴婢炷暗燈揜鳥感炎如玳瑁今夜

吐談長如虹孔隙千道射戶外玉川子涕泗下中庭獨  
自行念此日月者太陰太陽精皇天要識物日月乃化  
生走天汲汲勞四體與天作眼行光明此眼不自保天  
公行道何由行吾見陰陽家有說望日蝕月月光滅朔  
月掩日日光缺兩眼不相攻此說吾不容又孔子師老子  
云五色令人目盲吾恐天似人好色即一作喪明幸  
且非春時一作晴萬物不嬌榮青山破瓦色綠水冰崢嶸  
花枯無女艷鳥死沈歌聲頑冬何所好偏使一日盲傳

聞古老說蝕月蝦蟆精徑圓千里入汝腹汝此癡骸一作駢

阿誰一作何從生可從海窟來便解緣青冥恐是眴眴間

捨捨一作塞所化成黃帝有二目帝舜重瞳明二帝懸四

目四海生光輝吾不遇二帝混茫不可知何故童子上

坐受蟲豸欺長嗟白兔搗靈藥恰似有意防姦非藥成

滿臼不中度委任白兔夫何為憶昔堯為天十日燒九

州金燦水銀流玉燭音炒丹砂焦六合烘為窯音遙堯心增

百憂帝見堯心憂勃然發怒決洪流立擬沃殺九日妖

天高日走沃不及但見萬國赤子觕觕生魚頭此時九

御蕡九日爭持節幡麾幢旒駕車六九五十四頭蛟螭

虬掣電九火轉汝若蝕開齧齧一作齧齧輪御轡執索相犯

鉤推蕩

轡渴一作渴

入汝喉紅鱗燄鳥燒口快翎鬚倒側

聲駁擰腸柱肚礪傀

礪一作

如山丘自可飽死更不偷

不獨填飢坑亦解堯心憂恨汝時

一本無時字

當食藏埋

頭搘腦不宵食不當食張脣哆觜食不休食天之眼養  
逆命安得上

天一作

帝請汝劉嗚呼人養虎被虎齧天媚

墓被墓瞎一作天昏暮得瞽疾  
蝦蟆敢將天眼瞎

乃知恩非類一一自作

孽吾見患眼人必索良工訣想天不異人愛眼固應一

安得常娥氏來習扁鵲術手操春喉戈去此睛上物其

初一作既猶朦朧既久如似一作抹漆但恐功業成便此不

吐出玉川子又涕泗下心禱再拜額搥一作砂土中地

上蟻虱臣全告懇帝天皇臣心有鐵一寸可剗妖墓癡

腸上天不為臣立梯磴臣血肉身無由飛上天揚天光

封詞付與小心風一作先封辭跋一作越排闥闥入紫宮

密邇玉几前擘坼奏上臣全頑愚胸敢死橫干天代天

謀其長

一作敢死 橫干天甚長

東方蒼龍角插戟尾揮風當心開

明堂統領三百六十鱗蟲坐理

一作治

東方宮月蝕不救

援安用東方龍南方火鳥赤潑血項長尾短飛跋躠

一作作

刺頭戴井

一作丹

冠高達枅月蝕鳥宮十三度鳥為居停

主人不覺察貪向何人家行赤口毒舌毒蟲頭上喫却

月不啄殺虛眨鬼眼明窯窩

音抉

鳥罪不可雪西方攫

虎立踦踦

音斧

為牙鑿為齒偷犧牲食封豕大墓一巒

固當軟美見似不見是何道理爪牙根天不念天天若  
准擬錯准擬北方寒龜被蛇縛藏頭入殼如入獄蛇筋  
束緊束破殼寒龜更鼈一種味且當以其肉充臘死殼  
沒信處一本有  
一底板 一作且當臘其肉  
沒信處 唯堪支牀脚不堪中一作鑽灼  
與天一下字 卜歲星主福德官爵奉董秦忍使黔婁生  
覆尸無衣巾天失眼不弔歲星胡其仁熒惑讐鑠翁執  
法大不中月明無罪過不糺餌月蟲年年十月朝太微  
支盧謫罰何災凶土星與土性相背反養福德生禍害

到人頭上死破敗今夜月蝕安可會太白真將軍怒激  
鋒鎛生恒州陣斬酈定進項骨脆甚春蔓菁天唯兩眼  
失一眼將軍何處行天兵辰星任廷尉天律自主持人  
命在盆底固應樂見天盲時天若不肖信試喚皇陶鬼  
一問一如今日三台文昌宮作上天一作紀綱環天二  
十八宿一本無宿字磊磊尚書郎整頓排班行劍握他人將  
一四太陽側一四天市傍操斧代大匠兩手不怕傷弧  
矢引滿反射人天狼呀啄明煌煌癡牛與騃女不肖勤

農桑徒勞含滛思旦夕遙相望蚩尤簸旗弄旬朔始趙  
天鼓鳴瑞琅枉矢能蛇行眊目森森張天狗下舐地血  
流何滂滂謫險萬萬黨架構何可當昧目豐成就害我  
光明王請留北斗一星相比極一作請留北  
斗相比極指麾萬國  
懸中央此外盡掃一作拂除堆積一作砂  
磧如山岡贖我父母  
光當時常星沒殞一作星雨如迸一作坼漿似天會事發叱  
喝誅奸強何故中道廢自遺今日殃善善又惡惡郭公  
所以亡願天神聖心無信他人忠玉川子詞訖風色緊

格格近月黑暗邊有似動劔戟湏臾癡墓精雨吻自決  
坼初露半箇壁漸吐滿輪魄衆星盡原赦一墓獨誅磔  
腹肚忽脫落依舊挂穹碧光彩未蘇來慘澹一片白奈  
何萬里光受此吞吐厄再得見天眼感荷天地力或問  
玉川子孔子修春秋二百四十年月蝕盡不收今子咄  
咄詞頗一作固合孔意不玉川子笑答或請聽逗留孔子  
父母魯諱魯不諱周書外書大惡故月蝕不見收予命  
唐天口食唐土唐禮過三唐樂過五小猶不說大不可

數災沴無有小大瘳安得一本無引哀周研覈其一本

得字

無其

萬古

一本

字可否日分晝月分夜辨寒暑一主刑二主德政乃舉

孰為人面上一目偏可去願天完兩目照下萬方土萬

古更不瞽萬萬古更不瞽照萬古

哭玉碑子

山有洞左頰拾得玉碑子其長一周尺其闊一藥丸頰  
色九秋天稜角四面起輕敲吐寒流清悲動神鬼稽首  
置手中只似一片冰至文反無文上帝應有以予疑仙

石靈願以仙人比心期香湯洗歸送篠堂裏頗奈窮相  
驢行動如跛鼈十里五里行百蹶復千蹶顏子不少天  
玉碑中路折橫文尋龜兆直理任瓦裂劈竹不可合破  
環永離別向人如有情似痛滴無血勘鬪平地上鏽坼  
多齧缺百見百傷心不堪再提挈怪哉堅貞姿忽絕不  
堅固矧曰人間人安能保常度敢問生物成敗為有真  
素為稟靈異氣不得受穢污驢罪真不厚驢生亦錯誤  
更將前前行復恐山神怒白雲翁閉嶺高松吟古墓置

此忍其傷驅驢下山路一作去

觀放魚歌

常州賢刺史從諫議大夫除天地好生物刺史性與天  
地俱見山客狎魚鳥坐山客北亭湖命舟入駕舫子漾  
漾菰蒲酒興引行處正見漁人魚刺史密會山客意復  
念網羅嬰無辜忽脫身上殷絳袍盡買罟獲盡有無鰻  
鱠鮎鱠鮚涎惡最頑愚鱈鮎見豳風質幹稍高流時白  
噴雪鯽鯉姿此輩肥脆為絕尤老鯉變化頗神異三十

六鱗如抹朱水苞弘窟有蛟鼈餌非龍餌唯無鱸叢雜  
百千頭性命懸湏更天心應刺史刺史盡活諸一一投  
深泉跳脫不復拘得水競騰突動作詭怪殊或透藻而  
出或破浪而趨或掉尾子子或奮鬚愉愉或如鷺擲梭  
一本缺此三字或如蛇銜珠四散漸不見島嶼徒繁紝鷁鷀鴒  
鷗鳬喜觀爭叫呼小蝦亦相慶繞岸搖其鬚乃知貪生  
不獨頑癡夫可憐百千命幾為中腸菹若養聖賢真大  
烹龍髓敢惜乎苦痛如今人盡是魚食魚族類恣飲噉

強力無親疏明明刺史心不欲與物相欺誣岸蟲兩與  
命無意殺此活彼用賊徒亦憶清江使橫遭乎余且聖  
神七十鑽不及泥中鮆哀哉託非賢五臟生寃讐若當  
刺史時聖物保不囚不疑且不卜二子安能諛二子儻  
故諛吾知心受誅禮重一草木易卦稱中孚又曰鈞不  
綱又曰遠庖厨故攷一作仁人用心刺史盡合符昔魯公  
觀棠距箴遂被孔子貶而書今刺史好生德洽民心誰  
為刺史一褒譽刺史自上來德風如草鋪衣冠興廢禮

百姓減暴租豪猾不豪猾鯀狐不鯀狐開古孟瀆三十  
里四千頃泥坑為膏腴刺史視之總若無訟庭雀噪坐  
不得湖上拔茭植芙蓉勝業莊中二桑門時時對坐談  
真如因說十千天子事福力當與刺史俱天雨曼陀羅  
花深沒膝四十千真珠瓔珞堆高樓此中怪特不可會  
但慕刺史仁有餘刺史敕左右兼小家一本有生字奴慎勿  
背我沈毒鉤念魚承奉刺史仁深僻處遠遠遊刺史官  
職小教化未能敷第一莫近人惡人唯口腴第一莫出

境四境多網罟重傷刺史心喪爾微賤軀

示添丁

春風苦不仁呼逐馬蹄行人家慚愧瘴氣却憐我入我  
憔悴骨中為生涯數日不食强强行何忍索我抱看滿  
樹花不知四體正困惱泥人啼哭聲呀呀忽來案上翻  
墨汁塗抹詩書如老鷗父憐母惜摑不得却生癡笑令  
人嗟宿春連曉不成米日高始進一椀茶氣力龍鍾頭  
欲白凭仗添丁莫惱爺

寄男抱孫

別來三得書書道違離久書處甚麤殺且喜見汝手殷  
十七又報汝文頗新有別來纔經年囊蓋未合斗當是  
汝母賢日夕加訓誘尚書當畢功禮記速湏剖嘍囉兒  
讀書何異摧枯朽尋義低作聲便可養年壽莫學村學  
生麤氣強叫吼下學偷功夫新宅鋤梨莠乘涼勸奴婢  
園裏耨葱韭遠籬編榆棘近眼栽桃柳引水灌竹中浦  
池種蓮藕撈漉蛙蟆脚莫遣生科斗竹林吾最惜新筍

好看守萬籜苞龍兒攢逆溢

一作臨

林藪吾眼恨不見心

腸痛如揭宅錢都未還債利日日厚籜龍正稱冤莫殺

入汝口丁寧囑託汝汝活籜龍不殷十七老儒是汝父

師友傳讀有疑悞輒告諮問取兩手莫破拳一吻莫飲

酒莫學捕鳩鴿莫學打雞狗小時無大傷習性防已後

頑發苦惱人汝母必不受任汝惱弟妹任汝惱姨舅姨

舅非吾親弟妹多老醜莫惱添丁郎淚子作面垢莫引

添丁郎赫赤日裏走添丁郎小小別吾來久久脯脯不

得喫兄兄莫撻搜他日吾歸來家人若彈丸一百放一

下打汝九十九

自詠三首

為報玉川子知君未是賢低頭雖有地仰面輒無天骨  
肉清成瘦萬葛老覺羶家書與心事相伴過流年

盧子蹣蹣一作龍鍾也賢愚總莫驚蚊螭當家口草石是親

情萬卷堆胸朽三光撮眼明翻悲廣成子閒氣說長生  
物外無知己人間一癡王生涯身是夢耽樂酒為鄉日

月黏髭鬢雲山鎖肺腸愚公只公是不用謾驚張

送王儲詹事西遊獻兵書

一本分作三首

美酒撥醅酌楊花飛盡時落日長安道方寸無人知箇  
中制勝術氣雄屈指奚半醉千殷勤仰天一長歎玉匣  
百鍊劍龜文又龍吼抽贈王將軍勿使虛白首

送邵兵曹歸江南

春風楊柳陌連騎醉離觴千里遠山碧一條歸路長花  
開愁北渚雲去渡南湘東望濛濛處煙波是故鄉

寄外兄魏澈

何處堪惆悵情親不得親興寧樓上月辜負酒家春

喜逢鄭三遊山

相逢之處花葺葺石壁攢峰千萬重他日期君何處好  
寒流石上一株松

卓女怨

妾本懷春女春愁一作懷不自任迷魂隨鳳客嬌思入琴

心託援交情重當壚酌意深誰家有夫婿作賦得黃金

守歲二首

去年一作年去留不住年來也任他當壚一榼酒爭奈兩年  
何

老來經節臘樂事甚悠悠不及兒童日都盧不解愁

新月

仙宮雲箔卷露出玉簾鉤清光無所贈相憶鳳皇樓

解悶

人生都幾日一半是離憂但有尊中物從他萬事休

楊子津

風卷魚龍暗楚關  
白波沈却海門山  
鵬騰鼈倒且快性  
地坼天開總是閒

人日立春

春度春歸無限春  
今朝方始覺成人  
從今尅一作已應  
猶及顏願與梅花俱自新

送尉遲羽之歸宣州

君歸乎君歸興不孤  
謝眺澄江今夜月也  
應憶著此山

夫

悲新年

新年何事最堪悲  
病客遙聽百舌兒  
太歲只遊桃李徑  
春風肯管歲寒枝

憶酒寄劉侍郎

愛酒如偷蜜  
憎醒似見刀  
君為麴蘖主  
酒醴一作莫辭

醒

勞

白鷺鷥

刻成片玉白鶯鶯欲捉纖鱗心自急翹足沙頭不得時  
傍人不知謂閒立

風中琴

五音六律十三徽龍吟鶴響思庖羲一彈流水一彈月  
水月風生松樹枝

感秋別怨

霜秋自斷魂楚調怨離分魄散瑤臺月心隨巫峽雲蛾  
眉誰共畫鳳曲不同聞莫似湘妃淚斑斑點翠裙

新蟬

泉溜潛幽咽琴鳴乍往還長風翦不斷還在樹枝間

題褚遂良孫庭竹

負霜停雪舊根枝龍笙鳳管君莫截春風一番琴上來

搖碎金尊碧天月

訪舍曦上人

三入寺曦未來轆轤無人井百尺渴心歸去生塵埃

客淮南病

揚州蒸毒似爛湯客病清枯鬢欲霜且喜閉門無俗物

四肢安穩一張牀

村醉

昨夜村飲一作村醉黃昏歸健一作連倒三四五摩挲青莓苔莫

嗔一作嗔我驚著汝

蕭宅二三子贈答詩二十首

并序

蕭才子修文行名聞將遷家于洛賣揚州宅未售  
玉川子客揚州羈旅識蕭遂館蕭未售之宅既而

蕭有事于歙州玉川子欲歸洛憶蕭遂與砌下二  
三子酬酢說相媿意俄而二三子有憂宅售心與  
其他人手孰與洛客以蕭故亦有勉強不能逆其  
情文以見意遂盡錄寄蕭天知地知非苟有所欲  
二三子心遠訥君子蕭乎蕭乎君歸不得見者細  
長三四片者乎

客贈石

竹下青莎中細長三四片主人雖不歸長見主人面

石讓竹

自顧撥一作掇不轉何敢當主人竹弟有清風可以娛嘉賓

竹荅客

竹弟謝石兄清風非所任隨分有蕭瑟實無堅重心

石請客

竹弟雖讓客不敢當客恩自慙埋沒久滿面蒼苔痕

客答石

遍索天地間彼此最癡癡主人幸未來與君為莫逆

石答竹

石報孤竹君此客甚高調共我相共癡不怕主人天下笑我非蛻蝶兒我非死李枝不要兒女撲不要春風吹苔蘚印我面雨露皴我皮此故不嫌我突兀蒙相知此客即西歸我心徒依依我欲隨客去累重不鮮飛知弟虛心亦待客此客何以共報之

竹請客

我本泰山阿避地到南國主人欲移家我亦要歸北上  
客幸先歸願託歸飛翼唯將脩脩風累路報恩德

客謝竹

揚州駭雜地不辨龍蛇

當作蜥

客身正乾枯行處無膏

澤太山道不遠相庇實無力君若隨我行必有煎茶厄

石請客

啟母是諸母三十六峯是諸父知君家近父母家小人  
安得不懷土憐君與我金石交君歸可得共載否小人

無以報君恩使君池亭風月古

客謝石

我有水竹莊甚近嵩之巔是君歸休處可以終天年雖  
有提攜勞不憂糧食錢但恐主人心疑我相釣竿

石再請客

主人若知我應喜我結得君主人不知我我住何求于  
主人我在天地間自是一片物可得杠壓我使我頭不出

出

客許石

石公說道理句句出凡格相知貴知心豈恨主為客過  
湏歸去來旦晚上無厄主人誠賢人多應不相責

井請客

我生天地間頗是往還數已効炊爨勞我亦不願住君  
有造化力在君一降顧我願拔黃泉輕舉隨君去

客謝井

改邑不改井此是井卦辭井公莫怪驚說我成憨癡我

縱有神力爭敢將公歸揚州惡百姓疑我卷地皮

馬蘭請客

蘭蘭是小草不怕郎君罵願得隨君行暫到嵩山下

客請馬蘭

嵩山未必憐蘭蘭蘭蘭已受郎君恩不須刷帚跳蹤走

只擬蘭浪一作郎出其門

蝶蝶請客

粉末為四體春風為生涯願得紛飛去與君爲眼花

客答蛺蝶

君是輕薄子莫窺君子腸且湏看雀兒雀兒銜爾將

蝦蟆請客

凡有水竹處我曹長先行願君借我一勺水與君晝夜  
歌德聲

客請蝦蟆

蝦蟆蝦蟆叩頭莫語人聞聲揚州蝦蜆忽得便腥臊臭穢  
逐我行我身化作青泥坑

卷三百八十七

御定全唐詩卷三百八十七



總校官庶吉士臣張能照

校對官檢討臣郭寅

謄錄監生臣藍嘉瑄

欽定四庫全書叢要

集部

御定全唐詩卷三百八十八至九十一

詳校官員補通政司經歷臣郭祚熾

欽定四庫全書薈要卷一萬七千七百九十三

集部

御定全唐詩卷三百八十八

盧全

龜銘

靈於人不靈於身致網於津吾靈於身不靈於人  
致走於塵龜吾與汝隣

梳銘

有髮兮朝朝思理有身兮胡不如是

小婦吟

小婦欲入門  
隈門勻紅妝  
大婦出門迎  
正頓羅衣裳  
門邊兩相見  
笑樂不可當  
夫子於傍聊一作斷聊  
小婦哆

唶上高堂  
開玉匣  
取琴張  
陳金罍  
酌滿觴  
願言兩相樂  
永與同心事  
我郎夫子於傍  
剩欲狂珠簾  
風度百花香  
翠帳雲屏白玉牀  
啼鳥休啼花莫笑  
女英新喜得蛾皇

月下寄徐希仁

夜半沙上行  
月瑩天心明  
沙月浩無際  
此中離思生  
上

天何寥廓下地何崢嶸吾道豈已矣為君傾兕觥

贈徐希仁石硯別

靈山一片不靈石手斲成器心所惜鳳鳥不至池不成  
蛟龍乾蟠水空滴青松火鍊翠烟凝寒竹風搖遠天碧  
今日贈君離別心此中至淺造化深用之可以過珪璧  
棄置還為一片石

有所思

當時我醉美人家美人顏色嬌如花今朝美人棄我去

青樓珠箔天涯之涯天涯一本無天涯二字娟娟姮娥月三五二

八一一本無二字盈又缺翠眉蟬鬢生別離一望不見心斷

絕心斷絕幾千里夢中醉卧巫山雲覺來淚滴湘江水

湘江兩岸花木深美人不見愁人心含愁更奏綠綺琴

調高弦絕無知音美人兮美人不知為暮雨兮為朝雲

相思一夜梅花發忽到牕前疑是君

樓上女兒曲

誰家女兒樓上頭指揮婢子挂簾鉤林花撩亂心之愁

卷却羅袖彈箜篌  
箜篌歷亂五六弦  
羅袖掩面啼向天  
相思弦斷情不斷  
落花紛紛心欲穿  
心欲穿憑欄干相  
憶柳條綠相思  
錦帳寒直緣感君  
恩愛一迴顧使我  
雙淚長珊珊我有  
嬌靨待君笑我有  
嬌娥待君掃鶯花  
爛熳君不來及至  
君來花已老心腸  
才斷誰得知玉堦  
幕歷生青草

秋夢行

客行一夜秋風起  
客夢南遊渡湘水  
湘水泠泠徹底清

二妃怨處無限情娥皇不語啟嬌靨女英目成轉心愴  
長眉入鬢何連娟肌膚白玉秀且鮮襄回共詠東方日  
沈吟再理南風弦聲斷續思綿綿中含幽意兩不宣殷  
勤纖手驚破夢中宵寂寞心悽然心悽然腸亦絕寐不  
寐兮玉枕寒夜深夜兮霜似雪鏡中不見雙翠眉臺前  
空挂纖纖月纖纖月盈復缺娟娟似眉意難訣願此眉  
兮如此月千里萬里光不滅

自君之出矣

自君之出矣壁上蜘蛛織近取見妾心夜夜無休息妾  
有雙玉環寄君表相憶環是妾之心玉是君之德馳情  
增悴容蓄思損精力玉簾寒淒淒延想心惻惻風含霜  
月明水泛碧天色此水有盡時此情無終極

走筆謝孟諫議寄新茶

日高丈五睡正濃軍將打門驚周公口云諫議送書信  
白絹斜封三道印開緘宛見諫議面手閱月團三百片  
聞道新年入山裏蟄蟲驚動春風起天子賜嘗陽羨茶

百草不敢先開花仁風暗結珠琲瑠先春抽出黃金芽  
摘鮮焙芳旋封裹至精至好且不奢至尊之餘合王公  
何事便到山人家柴門反關無俗客紗帽籠頭自煎喫  
碧雲引風吹不斷白花浮光凝椀面一椀喉吻潤兩椀  
破孤悶三椀搜枯腸唯有文字五千卷四椀發輕汗平  
生不平事盡向毛孔散五椀肌骨清六椀通仙靈七椀  
喫不得也唯覺兩腋習習清風生蓬萊山在何處玉川  
子乘此清風欲歸去山上羣仙司下土地位清高隔風

雨安得知百萬億蒼生命墮在巔崖受辛苦便為諫議  
問蒼生到頭還得蘇息否

冬行三首

蟲豸臘月皆在蟄吾獨何乃勞其形小大無由知天命  
但怪守道不得寧老母妻子一揮手涕下便作千里行  
自顧不及遭霜葉旦夕保得同飄零達生何足云偶然  
苦樂經其身古來堯孔與桀跖善惡何補如今人

長年愛伊洛決計卜長久賒買里仁宅水竹且小有賣

宅將還資舊業苦不厚債家徵利心餓虎血染口臘風  
刀刻肌遂向東南走賢哉韓員外勸我莫強取憑風謝  
長者敢不愧心苟賃載得估舟估雜非吾偶壯色排榻  
席別座夸羊酒落日無精光啞暝被掣肘漕石生齒牙  
洗灘亂相摶奔澌嚼篙杖夾岸雪龍吼可憐聖明朝還  
為喪家狗通運隔南溟債利拄北斗揚州屋舍賤還債  
堪了不此宅貯書籍地濕憂蠹朽賈僕舊相識十年與  
營守貧交多變態僕得君子不利命子罕言我誠孔門

醜且貴終焉圖死免慙狐首何當歸帝鄉白雲永相友  
不敢唾汴水汴水入東海汙泥龍王宮恐獲不敬罪不  
敢蹋汴堤汴堤連秦宮蹋盡天子土餽餌無由通此言  
雖太閑且是臣心腸野風結陰兵千里鳴刀槍海月護  
霸魄到曉點孤光上不事天子下不識侯王夜半睡獨  
覺爽氣盈心堂顏子甚年少孔聖同行藏我年過顏子  
敢道不自強船人雖奴兵亦有意智長問我何所得樂  
色填清揚我報果有為孔經在衣裳

常州孟諫議座上聞韓員外職方貶國子博士

有感五首

忽見除書到韓君又學官死生縱有命人事始知難烈  
火先燒玉庭薰不養蘭山夫與刺史相對兩贊元

干祿無便佞宜知黜此身員郎猶小小國學大頻頻孤  
宦心肝直天王苦死嗔朝廷無諫議誰是雪韓人

何事遭朝貶知何被不容不如思所自只欲涕無從爵  
服何曾好荷衣已慣縫朝官莫相識歸去老巖松

力小垂垂上天高又不登致身唯一已獲罪則顏朋祿  
位埋坑穿康莊壘稜公卿共惜取莫遣玉山崩

誰憐野田子海內一韓侯左道官雖樂剛腸得健無武侯  
反功名生地獄禮教死天囚莫言耕種好須避蒺藜秋

夏夜聞蚯蚓吟

夏夜雨欲作傍砌蚯蚓吟念爾無筋骨也應天地心汝  
無親朋累汝無名利侵孤韻似有說哀怨何其深泛泛  
輕薄子旦夕還謳吟肝膽異汝輩熱血徒相侵

揚州送伯齡過江

伯齡不厭山山不資  
伯齡松顛有樵墮石上無禾生  
忍六尺軀遂作東南行  
諸侯盡食肉壯氣吞八紘不唧  
溜鈍漢何由通姓名  
夷齊餓死日武王稱聖明  
節義士枉死何異鴻毛輕  
努力事干謁我心終不平

憶金鵝山沈山人二首

君家山頭松樹風適來  
入我竹林裏一片新茶破鼻香  
請君速來助我喜莫合九轉  
大還丹莫讀三十六部大

洞經閒來共我說真意齒下領取真長生不須服藥求  
神仙神仙意智或偶然自古聖賢放入土淮南雞犬驅  
上天白日上昇應不惡藥成且輒一丸藥暫時上天少  
問天蛇頭蝎尾誰安著

君愛鍊藥藥欲成我愛鍊骨骨已清試自比校得仙者  
也應合得天上行天門九重高崔嵬清空鑿出黃金堆  
夜義守門晝不啟夜半醮祭夜半開夜义喜歡動關鎖  
鎖聲搘地生風雷地上禽獸重血食性命血化飛黃埃

太上道君蓮花臺九門隔閥安在哉嗚呼沈君大藥成  
兼湏巧會鬼物情無求長生喪厥生

寄蕭二十三慶中

蕭乎蕭乎憶蕭者嵩山之廬廬揚州蕭歙州相思過春  
花鬢毛生麥秋千災萬怪天南道猩猩鸚鵡皆人言山  
魈吹火蟲入椀鳩鳥呪詛鮫吐涎就中南瘴欺北客憑  
君數磨犀角喫我憶君心千百間千百間君何時還使  
我夜夜勞魂魄

贈金鷲山人沈師魯

第二十一  
句缺一字

金鷲山中客來到揚州市買藥牀頭一破顏愀然便有  
上天意日月高挂玄關深金膏功淬肌骨異人皆食穀  
與五味獨食太和陰陽氣浩浩流珠走百關綿綿若存  
有深致種玉不耕山外非內粹鑿儒闕決文泉彰風雅  
因君不復墜光不外照刃不磨迴避人間惡富貴三日  
四日五六日盤礴化元搜萬類書飲興酣陶天和夜話  
造微精魅示我插血不死方賞我風格不肥膩肉眼

不識天上書小儒安敢窺奧祕  
崑崙路隔西北天二山  
後浮不著地君到頭來憶我時  
金簡為吾鐫一字

歎昨日三首

昨日之日不可追今日之日須臾期如此如此復如此  
壯心死盡生鬚絲秋風落葉客腸斷不辨斗酒開愁眉  
賢名聖行甚辛苦周公孔子徒自欺一作骨朽名  
揚徒爾為

天下薄夫苦耽酒王川先生也耽酒薄夫有錢恣張樂  
先生無錢養恬漠有錢無錢俱可憐百年驟過如流川

平生心事消散盡天上白日悠悠懸

上帝板板主何物日車劫劫西向沒自古賢聖無奈何  
道行不得皆白骨白骨土化鬼入泉生人莫負平生年  
何時出得禁酒國滿甕釀酒曝背眠

月蝕詩

東海出明月清明照毫髮朱弦初罷彈金兔正奇絕三  
五與二八此時光滿時頗奈蝦蟆兒吞我芳桂枝我愛  
明鏡潔爾乃痕翳之爾且無六翮焉得升天涯方寸有

白刃無由揚清輝如何萬里光遭爾小物欺却吐天漢  
中良久素魄微日月尚如此人情良可知

直鉤吟

初歲學鉤魚自謂魚易得三十持鉤竿一魚鉤不得人  
鉤曲我鉤直哀哉我鉤又無食文王已沒不復生直鉤  
之道何時行

與馬異結交詩

天地日月如等閒盧仝四十無往還唯有一片心脾骨

曉巖峩肆兀鬱律刀劔為峰崿平地放著高如崑崙山  
天不容地不受日月不敢偷照耀神農畫八卦鑿破天  
心胸女媧本是伏羲婦一作女媧  
伏羲妹恐天怒擣鍊五色石  
引日月之針五星之縷把天補補了三日不宵歸婿家  
走向日中放老鴟月裏栽桂養蝦蟆天公發怒化一作  
罰龍蛇此龍此蛇得死病神農合藥救死命天怪神農黨  
龍蛇罰神農為牛頭令載元氣車不知藥中有毒藥藥  
殺元氣天不覺爾來天地不神聖日月之光無正定不

知元氣元不死忽聞空中喚馬異馬異若不是祥瑞空  
中敢道不容易昨日全不全異自異是謂大全而小異  
今日全自全異不異是謂全不往兮異不至直當中兮  
動天地白玉璞裏斷出相思心黃金鑛裏鑄出相思淚  
忽聞空中崩崖倒谷聲絕勝明珠千萬斛買得西施南  
威一雙婢此婢嬌饒慳殺人凝脂為膚翡翠裙唯解畫  
眉朱點脣自從獲得君敲金撻玉凌浮雲却返顧一雙  
婢子何足云平生結交若少人憶君眼前如見君青雲

欲開白日沒天眼不見此奇骨此骨縱橫奇又奇千歲  
萬歲枯松枝半折半殘靡山谷盤根蹙節成蛟螭忽雷  
霹靂卒風暴雨撼不動欲動不動千變萬化總是鱗皴  
皮此奇怪物不可欺盧仝見馬異文章酌得馬異胸中  
事風姿骨本恰如此是不是寄一字

感古四首

第四首  
缺七字

天生聖明君必資忠賢臣舜禹竭股肱共佐堯為君四  
載成地理七政齊天文階下蓂莢生琴上南風薰輪轉

夏殷周時復猶一人秦漢事讒巧魏晉忘機鈞猜忌相  
翦滅爾來迷恩親以愚保其身不覺身沈淪以智理其  
國遂為國之賊苟圖容一身萬事良可惻可憐萬乘君  
聰明受沈惑忠良伏草莽無因施羽翼日月異又蝕天  
地晦如黑既亢而後求異哉龍之德

人生何所貴所貴有終始昨日盈尺璧今朝盡瑕棄蒼  
蠅點垂棘巧舌成錦綺箕子為之奴比干諫而死仲尼  
魯司寇出走為去羣婢假如屈原醒其奈一國醉一國

醉號呶一人行清高便欲激頽波此事真徒勞上山逢  
猛虎入海逢巨鼈王者苟不死腰下魚鱗刀東海波連  
天三度成桑田高岸高於屋斯須變溪谷天地猶尚然  
人情難久全夜半白刃讐旦來金石堅蕭綬既解折陳  
印亦棄捐竭節遇刀割輸忠遭禍纏不予以衾之眠信予  
衾之穿鏡明不自照膏潤徒自煎抱劍長太息淚墮秋  
風前

古來不患寡所患患不均單醪投長河三軍盡沈淪今

人異古人結託唯親賓毀坼維鵠巢不行鴈鳩仁鄙恠  
不識分有心占陽春鸞鶴日已踈燕雀日已親小物無  
大志安測棲松筠恩眷多棄故物情尚逐新瓦礫暫拂  
拭光掩連城珍脣吻恣談鑠黃金同灰塵蘇秦北遊趙  
張祿西入秦既變嫂叔節仍擯華陽君萬世金石交一  
餉如浮雲骨肉且不顧何況長羈貧

君莫以富貴輕忽他年少聽我暫話會稽朱太守正受  
凍餓時索得人家貴倣婦讀書書史未潤身負薪辛苦

眠生肘謂言琴與瑟糟糠結長久不分殺人羽翮成臨

臨冲天婦嫌醜

其奈一朝太守振羽

儀鄉關畫行衣錦衣哀哉舊婦何眉目新婿隨行向天  
哭寸心金石徒爾為杯水庭沙空自覆乃知愚婦人妬  
忌陰毒心唯救眼底事不思日月深等閒取羞死豈如

甘布衾

雜興

意智未成百不解見人富貴亦心愛等閒對酒呼三達

屠羊殺牛皆自在放心為樂笙歌攢壯氣激作風霜寒  
厨中玉饌盈金盤方丈厭見嫌不餐飛鷹躍馬實快性  
脣腐齒爛空躡阮豈期福極翻成禍成身誅家亦破  
昨朝惆悵不如君今日悲君不如我否泰交加無定主  
嬾學風雲戢翎羽綠酒清琴好養生出將入相無心取  
三五圖書舊揣摩五千道德新規矩

酬徐公以新文見招

昨夜霜月明果有清音生便欲走相和愁聞寒玉聲

門箴

貪殘奸凶狡佞許慎身之八殺背惠恃已狎不肖妬賢能命之四孽有是有此予敢辭無是無此予之師一日不見予心思思其人懼其人其交其難敢告于門

孟夫子生生亭賦

玉川子沿孟冬之寒流兮輶櫂上生生亭夫子何之兮西逐雲沒兮南行百川注海而心不寫兮落日千里凝寒精予日衰期人生之世斯已矣爰為今日猶猶岐

路之心生悲夫南國風濤魚龍畜伏予小子戇朴必不能濟夫子欲嗟自慙承夫子而不失予兮傳古道甚分明予且廣孤目遐賚一作賞于天壤兮庶得外盡萬物變化之幽情然後慙愧而來歸兮大息吾躬于夫子之亭

御定全唐詩卷三百八十八

欽定四庫全書  
欽定全唐詩卷三百八十九

集部

御定全唐詩卷三百八十九

盧仝

走筆追王內丘

自識夫子面便獲夫子心夫子一啟顏義重千黃金平  
原孟嘗骨已土始有夫子堪知音忽然夫子不語帶簾  
帽騎驢去余對醞醞不能斟君且來余之瞻望心悠哉  
零雨其濛愁不散閒花寂寂斑堵苔不如對此景含笑

傾金罍莫問四肢暢暫取睂頭開弦琴待夫子夫子來  
不來

思君吟寄

生

題缺二字

我思君兮河之濡我為河中之泉君為河中之青天天  
青青泉泠泠泉含青天天隔泉我思君兮心亦然心亦  
然此心復在天之側我心為風兮淅淅君身為雲兮雲  
羃此風引此雲兮雲不來此風此雲兮何悠哉與我身  
心雙裴回

將歸山招永僧

第七句  
缺一字

買得一片田濟源花洞前千里石壁坼一條流泌泉青

松盤穆枝森森上插青冥天枝上有 緩宿

一本有字  
下不空宿

字下重  
一宿字處近鶴巢清唳孤吟聲相交月輪下射空洞響

絲篁成韻風蕭蕭我心塵外心愛此塵外物欲結塵外

交苦無塵外骨沙

一本缺  
此字

泉有永公心靜見真佛可結

塵外交占此松與月

酬願公雪中見寄

積雪三十日車馬路不通貧病交親絕想憶唯願公春  
鳩報春歸苦寒生暗風簷乳墮懸玉日脚浮輕紅梅柳  
意却活園圃永始融更候四體好方可到寺中

苦雪寄退之

第二十五句缺一字

天王二月行時令白銀作雪漫天涯山人門前徧受賜  
平地一尺白玉沙雲頽月壞桂英下鶴毛風剪亂參差  
山人屋中凍欲死千樹萬樹飛春花菜頭出土膠入地  
山莊取粟埋却車冷絮刀生削峭骨冷蠶斧破憊老牙

病妻煙眼淚滴滴飢嬰哭乳聲呶呶市頭博米不用物  
酒店買酒不消賒聞道西風弄劔戟長堦殺人如亂麻  
天眼高開欺草芽我死未消興歎嗟但恨口中無酒氣  
劉伶見我相渝揜清風攬腸筋力絕白灰壓屋梁柱斜  
聖明有道命漢可得再見朝日耶柴門沒脰畫不埽  
黃昏遶樹棲寒鴉唯有河南韓縣令時時醉飽過貧家

寄贈含曦上人

第三十三句四十  
九句各缺一字

楞伽大師兄誇曠識道理破鏹推玄關高辯果難揣論

語老莊易搜索通神鬼起信中百門敲骨得佛髓此外  
雜經律泛讀一萬紙高殿排名僧執卷坐累累化物自  
一心三教齊發起隨鐘嚼宮商滿口文字美商賈女郎  
輩不曾道生死縱遭彊禮拜雅語不露齒劈破天地來  
節義可屈指季展即此僧孤立無依倚近來愛作詩新  
奇頗煩委一作猥忽忽造古格削盡俗綺靡假如慵裹頭  
但勤讀書史切磋併工夫休遠不可比憐僧無遠信  
佛殊未已貌古饒風情清論興豐豐訪余十數度相去

三五里見時心亦喜不見心亦喜見時談謔樂四座盡  
角嘴不見養天和無人聒人耳昨朝披雪來面色赤韁  
韁封竈養黃金許割方寸七泥丸佛 教恒化莊亦耻  
未達不敢嘗孔子疑季子藥成必分余余必投泥裏不  
如向陽堂撥醅泛浮蟻麴米本無憊酒成是法水行道  
不見心毀譽徒云爾雪晴天氣和日光弄梅李春鳥嬌  
闊闊春風醉旎旎道上正無塵人家有花卉高僧有柱  
杖願得數覲止

聽蕭君姪人彈琴

彈琴人似膝上琴聽琴人似匣中弦二物各一處音韻  
何由傳無風質氣兩相感萬般悲意方纏綿初時天山  
之外飛白雪漸漸萬丈澗底生流泉風梅花落輕揚揚  
十指乾淨聲涓涓昭君可惜嫁單于沙場一本缺二字不遠  
只眼前蔡琰薄命沒胡虜烏巢啾唧啼胡天關山險隔  
一萬里顏色錯漠生風煙形鬼散逐五音盡雙蛾結草  
空蟬娟中腹苦恨杳不極新心愁絕難復傳金尊湛湛

夜沈沈餘音疊發清聯綿主人醉盈有得色座客尚隅  
增內然孔子怪責顏回瑟野夫何事蕭君筵拂衣屢命  
請中廢月照書牕歸獨眠

蜻蜓歌

自注黃河中蜻蜓  
其力小犯險無溺

黃河中流日影斜水天一色無津涯處處驚波噴流飛  
雪花篙工穢師力且武進寸退尺莫能度吾甚懼念汝  
小蟲子造化借羽翼隨風戲中流翩然有餘力吾不如  
汝無他無羽翼吾若有羽翼則上叩天闕為聖君請賢

臣布惠化于人間然後東飛浴東溟吸日精撼若木之  
英紛而零使地上學仙之子得而食之皆長生不學汝  
無端小蟲子葉葉水上無一事忽遭風雨水中死

出山作

出山忘掩山門路釣竿挿在枯桑樹當時只有鳥窺窬  
更亦無人得知處家僮若失釣魚竿定是緩猴把將去

寄崔柳州

使者立取書疊紙生百憂使君若不信他時看白頭三

百六十州剋情惟柳州柳州蠻天末鄙夫嵩之幽花落  
龍水頭各自東西流凜凜長相逐為謝池上鷗

贈稚禪師

春風滿禪院師獨坐南軒萬化見中盡始覺靜性尊我  
來契平生目擊道自存與師不動遊遊此無迹門

送好約法師歸江南

杯度度一身法度度萬民為報江南三二日這回應見

雪中人

蕭二十二赴歙州婚期二首

淮上客情殊冷落  
蠻方春早客何如  
相思莫道無來使  
迴雁峯前好寄書

南方山水生時興  
教有新詩得寄余  
路帶一作到長安迢  
遞急多應不逐使  
君書

掩關銘

蛇毒毒有形  
藥毒毒有名  
人毒毒在心  
對面如弟兄  
美言不可聽  
深於千丈坑  
不如掩關坐  
幽鳥時一聲

逢病軍人

行多有病住無糧  
萬里還鄉未到鄉  
蓬鬢衰吟古城下  
不堪秋氣入金瘡

山中

飢拾松花渴飲泉  
偶從山後到山前  
陽坡軟草厚如織  
困與鹿麝相伴眠

除夜

哀殘歸未遂  
寂寞此宵情  
舊國餘千里  
新年隔數更寒

猶近北峭風漸向東生惟見長安陌晨鐘度火城  
殷勤惜此夜此夜在逡巡燭盡年還別雞鳴老更新儺  
聲方去病酒色已迎春明日持杯處誰為最後人

御定全唐詩卷三百八十九

欽定四庫全書叢要卷一萬七千七百九十五

集部

御定全唐詩卷三百九十

李賀

李賀字長吉系出鄭王後七歲能辭章韓愈皇甫湜始聞未信過其家使賀賦詩援筆輒就自目曰高軒過二人大驚自是有名賀每旦日出騎弱馬從小奚奴背古錦囊遇所得書投囊中及暮歸足成之率為常以父名晉肅不肖舉進士詩尚奇詭絕去畦徑當時無能效者

樂府數十篇雲韶諸工皆合之弦管仕為協律郎卒年  
二十七詩四卷外集一卷今編詩五卷

李憑箜篌引

吳絲蜀桐張高秋空白

一作山

凝雲頽不流江娥啼竹素

女愁李憑中國彈箜篌崑山玉碎鳳皇叫芙蓉泣露香

蘭笑十二門前融冷光二十三絲動紫皇女媧鍊石補

天處石破天驚逗秋雨夢入坤

一作神

山教神嫗老魚跳

波瘦蛟舞吳質不眠倚桂樹露脚斜飛溼寒兔

殘絲曲

垂楊葉老鶯哺兒殘絲欲斷黃蜂歸綠鬢年少一作少金

釵客縹粉壺中沈琥珀花臺欲暮春辭去落花起作迴  
風舞榆莢相催不知數沈郎青錢夾城路

還自會稽歌

并序

庾肩吾於梁時嘗作宮體謠引以應和皇子及國  
世一作勢淪敗肩吾先潛難會稽後始還家僕意其  
必有遺文今無得焉故作還自會稽歌以補其悲

野粉椒壁黃溼螢

一作蛩

梁殿臺城應教人秋衾夢銅

輦吳霜點歸鬢身與塘浦晚脈脈辭金魚羈臣守逆賤

出城寄權璩楊敬之

草暖雲遲萬里春宮花拂面送行人自言漢劍當飛去

何事還車載病身

示弟

別弟三年後還家

一一作十

日餘醕醕今夕酒絅帳去時

書病骨猶獨一作能在人間底事無何湏問牛馬拋擲任

臬廬

竹

入水文光動抽空綠影春露華生一作筍逕苔色拂霜垂

根織可承香汗裁堪釣錦鱗三梁曾入用一節奉王孫

同沈駙馬賦得御溝水

入苑白決決宮人正曆黃遶堤龍骨冷拂岸鴨頭香別  
館驚殘夢停杯泛小觴幸因流浪處暫得見何郎

始為奉禮憶昌谷山居

掃斷馬蹄痕  
衙迴自閉門  
長鎗江米熟  
小樹棗花春向  
壁懸如意當  
簾閣角巾犬  
書曾去洛鶴  
病悔遊秦土  
甌封茶葉山  
盃鎖竹根不知  
船上月誰櫂  
滿溪雲

七夕

別浦今朝暗羅帷  
午夜愁鵠辭穿線  
月花入曝衣樓天  
上分金鏡人間望  
玉鉤錢塘蘇小小  
又一作更一作值一年秋

過華清宮

春月夜啼鴉  
宮簾隔御花  
雲生朱絡暗  
石斷紫錢斜  
玉

槐盛殘露銀燈點舊紗蜀王無近信泉上有芹芽

送沈亞之歌

并序

文人沈亞之元和七年以書不中第返歸于吳江  
吾悲其行無錢酒以勞又感沈之勤請乃歌一解  
以勞之

吳興才人怨春風桃花滿陌千里紅紫絲竹斷驄馬小  
家住錢塘東復東白藤交穿織書笈短束齊裁如梵夾  
雄光寶礦獻春卿煙底驀波乘一葉春卿拾材白日下

擲置黃金解龍馬攜笈歸江家

一作

重

入門勞勞誰是憐

君者吾聞壯夫重心骨古人三走無摧挫請君待旦事

長鞭他日還轍及秋律

詠懷二首

長卿懷茂陵綠草垂石井彈琴看文君春風吹鬢影染  
王與武帝棄之如斷梗惟留一簡書金泥泰山頂

日夕著

一作看

書罷驚霜落素絲鏡中聊自笑詎是南山

期頭上無幅巾苦蘖已染衣不見清溪魚飲水得自

一作

相宜

追和柳惲

汀洲白蘋草柳惲乘馬歸江頭櫨一作櫨樹香岸上蝴蝶

飛酒盃箬葉露玉軫蜀桐虛朱樓通水陌沙暖一雙魚

春坊正字鯀子歌

先輩匣中三尺水曾入吳潭斬龍子隙月斜明刮露寒  
練帶平鋪吹不起蛟胎皮老疾藜刺鷄鷄淬花白鷄尾  
直是荆軻一片心莫教照見春坊字接絲團金懸麗殿

神光欲截藍田玉 提出西方白帝驚  
噭噭鬼母秋郊哭

貴公子夜闌曲

裊裊沈水煙烏啼夜闌景曲沼芙蓉波腰圍白玉冷

雁門太守行

幽閑鼓吹云賀以詩歌謁韓愈時  
愈送客歸極困解帶讀之首篇乃

雁門太守行  
即東帶見之

黑雲壓城城欲摧甲光向日

一作月

金鱗開角聲滿天秋

色裏塞上

一作土

燕脂凝夜紫半卷紅旗臨易水霜重鼓

寒聲

一作聲寒

不起報君黃金臺上意提攜玉龍為君死

大堤曲

妾家住橫塘紅紗滿桂香青雲教綰頭上髻明月與作  
耳邊璫蓮風起江畔春大堤上留北人卽食鯉魚尾妾  
食猩猩脣莫指襄陽道綠浦歸帆少今日菖蒲花明朝  
楓樹老

蜀國弦

楓香晚花靜錦水南山影驚石墜緩哀竹一作行雲愁半  
嶺涼月生秋浦玉沙粼粼一作鱗光誰家紅淚客不忍過

瞿塘

蘇小小墓

一作歌

幽蘭露如啼眼無物結同心煙花不堪剪草如茵松如蓋風為裳水為珮油壁車夕久  
一作相待冷翠燭勞光彩

西陵下風吹雨

夢天

老兔寒蟾泣天色雲樓半開壁斜白玉輪軋露溼團光  
鸞珮相逢桂香陌黃塵清水三山下更變千年如走馬

遙望齊州九點煙一泓海水杯中瀉

唐兒歌

杜幽公子

頭玉碗碗簪刷翠杜郎生得真男子骨重神寒天廟器  
一雙瞳人剪秋水竹馬稍稍搖綠尾銀鸞眼音閃光踏半  
臂東家嬌娘求對值濃笑畫一作書空作唐字眼大心雄  
知所以莫忘作歌人姓李

綠章封事

為吳道士夜醮作

青霓一作倪扣額呼宮神鴻龍玉狗開天門石榴花發滿

溪津溪一作漢

女洗花染白雲綠章封事諮元父六街馬

蹄浩無主虛空風氣不清冷短衣小冠作塵土金家香

街同千輪鳴揚雄秋室無俗聲願攜漢戟招書鬼休令

恨骨填蒿里

河南府試十二月樂詞

并閏月

正月

上樓迎春新春歸

一作正月上樓迎春歸一本無正月

暗黃著柳宮漏遲

薄薄淡靄弄野姿寒綠幽風泥

一作生短絲錦牀曉卧玉

肌冷露臉未開對朝暝官街柳帶不堪折早晚菖蒲勝

綰結

二月

二月一本無二字飲酒採桑津宜男草生蘭笑人蒲如交

劔一作絞刀風如薰勞勞胡一作燕怨酣春薇帳逗煙生綠

塵一作香金翹峩一作峨髻愁暮雲昏颯起舞真珠裙津

頭送別唱流水酒客背寒南山死

三月

東方風來滿眼春花城柳暗

一作愁殺一作人複宮深

殿竹風起新翠舞衿淨

一作襟靜

如水光風轉蕙百餘里暖

霧驅雲撲天地軍裝宮妓掃蛾淺搖搖錦旗夾城暖曲

水漂香去不歸梨花落盡成秋

一作愁一作苑

四月

曉涼暮涼樹如蓋千山濃綠生雲外依微香雨青氛氲

一作過膩葉蟠花照曲門金塘閑水搖碧漪老景沈重

清氣

一作無驚飛墮紅殘萼暗參差

帖

五月

雕玉押簾額

一作上

輕縠籠虛門井汲鉛華水扇織鴛鴦

紋

一文

迴雪舞涼殿甘露洗空綠羅袖

一作綬

從徊

一作風

翔香汗沾寶粟

六月

裁生羅伐湘竹被

一本  
被字

拂疎霜簾秋玉炎炎紅鏡東

方開暈如車輪上裴回啾啾赤帝騎龍來

七月

星依雲渚冷露滴盤中圓好花生木末哀蕙愁空一作故

園夜天如玉砌池葉極青錢僅厭舞衫薄稍知花簾寒

曉風何拂拂北斗光闌干

八月

媚一作宮妾怨夜長獨客夢歸家傍簷蟲緝一作織絲向壁

燈垂花簾外月光吐簾內一作中樹影斜悠悠飛露姿點

綴池中荷

九月

離宮散螢

一作雲

天似水竹黃池冷芙蓉死月綴金鋪光

脈脈涼苑虛庭空澹白露

一作霜

花飛飛風草草翠錦爛

斑滿層道雞人罷唱曉龍璁鴉啼金井下踈桐

十月

玉壺銀箭稍難傾缸花夜笑凝幽明碎霜斜舞上羅幕

燭龍兩行照飛閣珠帷怨卧不成眠金鳳刺減音衣著體

寒長着對月鬪彎環

十一月

宮城團迴凜嚴光白天碎碎墮瓊芳撾鍾高飲千日酒

却天

一作戰却

凝寒作君壽

御溝泉

一作永

合如環素火井溫

泉

一作水

在何處

十二月

日脚淡光紅灑灑薄霜不銷桂枝下依稀和氣排

一作解

冬嚴已就長日辭長夜

閏月

帝重光年

一作午

重時七十二候迴環推天官玉琯灰剩

飛今歲何長來歲遲王母移桃獻天子羲氏和氏迂龍  
轡

天上謠

天河夜轉漂迴星銀浦流雲學水聲玉宮桂樹花未落  
仙妾採香垂珮纓秦妃卷簾北牕曉牕前植桐青鳳小  
王子吹笙鸞管長呼龍耕煙種瑤草粉霞紅綬藕絲裙  
青洲步拾蘭苔春東指羲和能走馬海塵新生石山下

浩歌

南風吹山作平地帝遣天吳移海水王母桃花千遍紅  
彭祖巫咸幾回死青毛驄馬參差錢嬌春楊柳含細煙  
箏人勸我金屈卮神血未凝身問誰不湏浪飲一作亂舞丁

都護世上英雄本無主買絲繡作平原君有酒惟澆趙

州土漏催水咽玉蟾蜍衛娘髮薄不勝梳看一作羞見秋

眉換新一作深二十男兒那刺促

秋來

桐風驚心壯士苦哀燈絡緯啼寒素誰看青簡一編書

不遣花蟲粉空蠹思牽今夜腸應直雨冷香魂平書客  
秋墳鬼唱鮑家詩恨血千年土中碧

帝子歌

洞庭明月

一作帝子

千里涼風雁啼天在水九節菖蒲石

上死湘神彈琴迎帝子山頭老桂吹古香雌龍怨吟寒

水光沙浦走魚白石郎閑取真珠擲龍堂

秦王飲酒

秦王騎虎遊八極劖光照空天自碧羲和敲日玻瓈聲

刦灰飛盡古今平龍頭瀉酒邀酒星金槽琵琶夜張張

洞庭雨脚來吹笙酒酣喝月使倒行銀雲櫛櫛瑤殿明

宮門掌事報一更花樓玉鳳聲嬌綈海絹紅文香淺清

黃鸝跳舞千年觥仙人燭樹蠟煙輕清琴醉眼淚泓泓

洛妹真珠

真珠小娘下清一作青廊洛苑香風飛綽綽寒鬢斜釵玉

燕光高樓唱月敲懸璫蘭風桂露灑幽翠紅弦裏雲咽

深思花袍白馬不歸來濃蛾疊柳香脣醉金鶯屏風蜀

山夢鸞裾鳳帶行煙重八驄籠晃臉差移日絲繁散曛  
羅洞市南曲陌無秋涼楚腰衛鬢四時芳玉喉窸窸排  
空光牽雲曳雪留陸郎

李夫人歌

一本無歌字

紫皇宮殿重重開夫人飛入瓊瑤臺綠香繡帳何時歇  
青雲無光宮水咽翩聯一作桂花墜秋月孤鸞驚啼商  
絲發紅壁闌珊懸珮璫歌臺小妓一作栢遙相望玉蟾滴  
水雞人唱露華蘭葉參差光

走馬引

我有辭鄉劍玉鋒堪截雲襄陽

一作長安

走馬客

一作使

意氣

自生春朝嫵劍花

一作光

淨暮嫵劍光冷能持劍向人不

解持照身

一作解持  
照身影

湘妃

筠竹千年老不死長伴秦

一作神

娥蓋湘水蠻娘吟弄滿

寒空九山靜綠淚花紅離鸞別鳳煙梧中巫雲蜀雨遙

相通幽愁秋氣上青楓

一作清峯

涼夜波間吟古龍

南園十三首

花枝草蔓眼中開  
小白長紅越女腮  
可憐日暮嫣香落  
嫁與春風不用媒

宮北田塍曉氣酣  
黃桑飲露翠官簾  
長腰健婦偷攀折  
將餒吳王八璽蠶

竹裏繰絲挑網車  
青蟬獨噪日光斜  
桃膠迎夏香琥珀  
自課越傭能種瓜

三十未有一作二十餘  
白日長飢小甲蔬  
橋頭長老相

滿一作

哀念因遺戎韜一卷書

男兒何不帶吳鉤一作橫刀收取關山五十州請君暫上凌

煙閣若箇書生萬戶侯

尋章摘句老雕蟲曉月當簾挂玉弓不見年年遼海上  
文章何處哭秋風

長卿牢落悲空舍曼倩詆諧取自容見買若耶溪水劍  
明朝歸去事後公

春水初生乳燕飛黃蜂小尾撲花歸牕含遠色通書幌

魚擁香鉤近石磯

泉沙彿卧鴛鴦暖曲岸迴  
篙艤遲鴻酒木欄椒葉蓋  
病容扶起種菱絲

邊讓今朝憶蔡邕  
無心裁曲卧春風  
舍南有竹堪書字  
老去溪頭作釣翁

長巒谷口倚嵇家  
白晝千峰老翠華  
自履藤鞋收石蜜  
手牽苔絮長蘂花

松溪黑水新龍卵  
桂洞生硝舊馬牙  
誰遣一作為虞卿

裁道被輕綃一疋染朝霞

小樹開朝逕長茸溼夜煙柳花驚雪浦麥雨漲溪田古  
剝疎鐘度遙嵐破月懸沙頭敲石火燒竹照漁船

御定全唐詩卷三百九十